

增脩羅山縣志序

邑有志無不識也凡生靈自天  
產之自地爲之自人皆當撫載  
以備政教之權衡而其所以維  
公道寓勸懲者則人事之得失  
爲尤要焉余不敏承乏於羅至

之日閣障池登譙樓周覽形勝  
於川則東有竹水南有黃河北  
有滌淮浩瀚千里於山則牛首  
峙於震龍山朝於坤鳳嶺魚臺  
乾艮交護而樓殿摩雲嶂屏礙  
柱若靈峰黃神龍池鷄籠諸名

勝續紛錯落氣象萬千誠巨觀也退闕邑乘則鄉賢名宦孝子忠臣幽人貞婦後先相映簇簇奪目喟然曰有奇山水自有奇人物產於斯者間氣所萃毓也宦於斯遊於斯者風土所招致

也地靈人傑不虛哉粵稽邑乘  
之修距今五十餘祀矣夫天地  
之化流而不息山川之秀衍而  
不窮兼以

國家承平日久教化大行其間達  
人英士挈節禱行更必有日矣



月盛者而不及時備採以信令  
者傳後寧非守土者責與顧以  
匆劇未有餘閒蒐訪猝難周確  
非敢緩也將有待也乙丑

大方伯趙修志檄下予則急延  
明經李子之杜黎子思恭謝子

寶樹商確其事而荷之以任因  
謂之曰夫志在得其本而已矣  
若第競藻采嚴體式其末也吾  
不爲諸君子難蓋志者質也存  
其質而法戒謂焉是則其本也  
故如在天有威象在地有成形

在人有成憲或創或因或改或  
復或增或減踵而書之無所庸  
高下其手者固不慮其以文掩  
質特恐以踈畧失真至人物官  
師二志則或以私恩聲價瓦礫  
或以夙釁埋沒璣珠致令貞魂

義魄結厲氣於黃昏朽木散材  
播芳聲於青史是直以公典市  
私耳卽辭若春花製如美錦其  
於立志之本奚當焉諸君子曰  
唯唯於是開局羣集廣諮博搜  
分門標類皆三君子職其勞瘁

至於因革所宜以迨袞鉞攸關  
則余與諸君子不憚徃復推求  
一惟稽之有據論之悉協歸於  
不誣其質而止肇於是年季夏  
達於明年暮春脫藁始就予覽  
其起止躍然曰茲編也可謂得

志之本者矣昔尼父取魯史成  
春秋嚴褒貶於一字而榮辱以  
彰厥後班馬諸人辭章愈麗議  
論愈高而反不免粉黛亂真之  
譏者本末之辨也茲編其遽敢  
以一字上擬春秋然而其難其

慎不敢亂真則不惟諸君子能  
達予心予亦能信諸君子之心  
卽後之覽者諒亦定有同心相  
印也已諸君子唯唯而退余乃  
書以弁其首

乾隆十一年歲在丙寅仲呂月

穀旦賜同進士出身文林郎知  
羅山縣事錦江葛荃撰



羅

山

縣


地

輿

圖

羅山縣境之圖

東三十里過竹竿河光山縣境



淮正陽縣境




淮正陽縣境


圖二

西五十五里過金閣鋪瀕河信陽州境

湖廣黃安縣境

羅山縣城之圖







羅山縣續志序

竊考志也者識也識其邑之大者并識其邑之小者

罔非備先王牧民之道以俟集大成者之采納焉蓋

識疆域山川爲民正經界也識賦役課程懼取民之

無制也識河防備蓄洩識倉庫待補救俾民值凶荒

無流亡也識官師富民教民也識名宦鄉賢之崇祀

孝子節婦之旌獎示牧民者知所法爲民者有以觀

感而步趨也如斯鉅典而爲其事者欲詳核無遺非

積歲月不爲功苟徒以傳聞異詞者輒據爲實錄其  
何以傳信奕禩以垂鑒戒也哉麟於己己仲夏承乏

羅邑勤撫字而瘡痍未起勉催科而宿逋難清且旱  
魃頻虐民困日增夙夜戰兢不遑寢食未獲巡封疆  
之形勝稽先哲之典型訪芳躅於山林弔貞魂於丘  
壟統俟民困少蘇次第及之恭逢 大甲丞閻公當

綏又餘閒舉纂脩盛事三代之直道復行千秋之大  
業不朽矣一旦下採風之令麟奉檄茫然不敢冒昧



以驟應特爲訪延名宿詳加商確明經者儒則有張  
若樞羅經博學彥士則有劉名鼎劉名彝輩與之約  
曰舊志序羅大叅云寧慎毋疎寧約毋濫誠修史要  
言尙共遵之以不負寸心者不負千古庶足以無負  
憲檄諄諄之至意於是矢公矢慎廣搜嚴核凡有裨  
於風教者不憚詳收無當於傳信者概焉闕之每於  
簿書稍清時輒爲巡行訪采涉淮瀕諸水挹其清漣  
深凜素餐之戒陟靈大羣峯瞻其高峻時欽仰止之

思閱並峙之兩關信爲地靈天險第念戍守之久弛  
益懼逋逃之潛伏履耦耕於百畝允稱土瘠民勞旣  
喜爲善之甚易復矜納賦之維艱遍攷遺踪於先詰  
誠宜亦步亦趨廣搜軼事於淑姬洵是可歌可泣問  
耆老併暨芻蕘續新編先訂舊乘不撓於盈庭不隳  
於築舍自庚午霜降迨辛未冬至而志始成於以由  
邑而上之魏由魏而上之省由通志而上之一統  
志敢云媲美於古史哉或者山城小乘方之集大成

中亦得爲協律之一器一音云爾

康熙三十年歲次辛未月應黃鍾長至日知羅山縣  
事加一級三韓魯麟謹撰



重脩羅山縣舊志序

羅邑屬古豫州域控河山之勝接吳楚之壤沃野數  
百里人競耕作士習詩書蓋一都會也經兵燹後已  
大非昔時景象矣我

朝定鼎來始獲安堵然瘡痍者未盡起流亡者未盡集  
滿目荒蕪百廢未舉蒞茲土者攜凋殘之餘勤撫字  
勸力田百意節物一意寧人夙夜焦勞仰質之古名  
公治蹟慮無以符其萬一矧求一言一行之可錄其

敢乎哉會履任數日卽奉檄脩邑志夫志者誌也風俗之利病於此焉彰卽政治之得失於此焉著也榮辱千載是非寸心得不戰戰乎敬之哉爰延邑之紳士議纂脩以續成一邑大觀然滄桑變遷圖籍散佚世遠言湮者無論近如前之治是邑者襄陵李公文安李公二舊乘全羅掌故家片楮無存况自丁卯迄今三十年來事實未登記室其荒畧弗傳又可勝道哉幸有博士黎子天民畢子拱樞相與廣搜名宿傳

文遍訪碩耆睹記而舊志適購之隣封參互考訂採  
掇新書自夏迄冬閱三季而告成是不獨前代遺編  
不隨斷簡銷沉而

新朝大典備此實錄亦庶乎弗致闕漏也雖然書不盡  
言言不盡意孔子觀十五國之風而存詩三百一篇  
之中凡三致意焉輯魯史成春秋褒貶一字不溢而  
法戒以昭故一事而施之民者善而凡善之及民者  
視此矣一事而施之民者未善而凡不善之及民者

羅山縣志  
視此矣則志者誌夫事而所以誌事之意非徒備觀  
覽固以寓勸懲而垂久遠也期爲可法期爲可傳得  
不戰戰乎敬之哉試以余心仰質之襄陵文安兩名  
公其許我乎否也

順治十六年十一月中浣三日羅山縣知縣候官李  
賡明題於退思堂



重修羅山縣舊志序

今上卽位十六年所歲爲己亥月爲黃鍾羅邑志書告成邑人劉士蘭爲之序曰朝有史邑有乘無俟曲引煩穢也獨是羅志之源流較他志絕異竊嘗聞諸老成人曰邑志在明嘉隆前疎率未稱完璧萬曆初年令吾土者關中張君薇銳意增脩於夢寐間若有所聞羅志闕木來刻之讖初亦不解爲何等語也尋備梨棗爲剞劂之用繼以事去而李侯來自襄陵恒傷

羅志之陋見廊廡間梨棗克物詰典守語以故侯大  
悟曰木來我之謂也遂詣清白公清白致政歸田邑  
之治亂臧否雅不欲聞惟忻心於修書盛舉勸侯經  
營衰集而成書嗟夫襄陵之木異材也養其體於沆  
漉冰雪之中而善其用於廊廟江湖之際如榱桷杞  
梓輪菌離奇留茲一編爲吾邑破暗燈其明德遠矣  
厥後賢令長稍加補綴未可以言修書也閱四十年  
羅之人物庶事日新月盛而襄陵之刻又復缺然未

備毋何而李侯來自文安文安之木良材也中正直  
方其負重可以斲扁鵲之輪而華國可以登栢臺之  
棟爲政數載百廢俱興乃與吾家大司寇議重輯舊  
志而司寇偕武陵守實力圖焉其筆墨高卓簡重較  
舊牘更爲雄觀由丁卯至於今已餘一世滄桑變遷  
全羅掌故之家圖史蕩然俱盡求文安所彙之片紙  
不可得識者方有殷憂而我侯來自侯官侯官之木  
全材也仁根義幹以禮爲修枝長條以智爲繁花密

葉以信爲碩果佳實天之寶也國之禎也而爲生民之所利賴宰極凋敝之巖邑保民造士剔弊釐奸訴冤人走鏡中抱案吏立冰上不半載而吾羅饒有起色卽進諸生課制藝別其良楛羅之人士始知侯重道崇儒胥慶曰侯其漸徵文獻乎會修書檄下侯大會賓客遍訪風土人物古今興廢敦請耆儒數輩設館授冷以從事焉復懸重金購襄陵文安舊志各一冊面命二三子曰重典也諸君勉乎哉大抵以襄陵

爲胚胎以文安爲神骨侯復冠裳而潤澤之洪纖無  
遺質文俱備彬彬蔚起居然鉅軸鴻篇非百鮮荒或  
小紀矣噫此上之教也侯之功也羅之與也獨是經  
始自襄陵而清白爲之後先大備於文安而司寇爲  
之經紀自

鼎革以來其間有捐身殉國矢死全身者貞魄忠魂日  
望闡揚於簡牘則重輯者實嘉賴乎侯官余復得拜  
下風而聞餘論焉一邑之典章或先或後執事者皆

桂下之胄而趨事者皆藜閣之裔其機緣誠有不可  
解者而羅志闕木來刻之識上下百餘年間事已前  
定豈不奇哉余秋初離灞漥赴銀臺

新命駐節嵩洛間接侯郵來志稿篝燈三復彷彿遊羅  
之山川道路覽羅之烟火村墟揖羅之父兄子弟又  
彷彿登沁子之堂聽侯之洋洋雅奏也乃侯之操履  
治績隆隆日上他日

天子或召侯坐銓曹知諫垣羅爲侯始筮仕地侯於

食之暇手把是編則羅之山川道路烟火村墟父兄  
鳩杖而躋公堂兒童竹馬而迎郊野離離如在侯自  
前矣焦山云瞬息神游其侯與予之謂與余素不工  
文詞無以塞侯來命乃撫絳書之終始謾勒爲序云  
順治己亥仲冬之吉

賜進士第出身中憲大夫通政使司右通政劉士蘭  
湘蔚氏題於嵩洛道中





羅山縣舊志序

作史者識不足以博天下之物明不足以窮天下之  
理才不足以決天下之疑言不足以持天下之公則  
君子弗取焉郡邑之志郡邑之史也孔子曰文勝質  
則史又曰吾志在春秋毋繫繫輓徒工悃悞不類世  
無信史取其義而筆削之以維王跡於不墜夫乃仲  
尼確志乎羅古鼃塞也萬山拱翠六水環清多名勝  
可紀其間達人蔚起忠孝流芬廉貞表異者抑亦史

不絕書豈當皆頓無小大識之者而滄桑代變文獻  
彫佚或以無徵議修復之則自襄陵李侯始也而事  
屬草創未盡精核卽補綴成編尚幾舛錯邑方伯劉  
載甫公有憂之每思慨然善若事客歲以二東巡臬  
歸過申陽招予王思延宅謂予曰王者省方觀民聿  
志是問而彰往察來更以禪千古吾邑雖蕞爾若賈  
文偉孟子恭萬年少孤王縣子輩皆卓犖人豪而志  
皆亡其何以備咨諏垂奕世乎吾將從李令公之請

肩厥役也因盡繙前稿及諸舊刻與滄長孝廉君畢  
力組治如懿范焉奕徽猷焯爍爲志之闕者增之如  
殘牒迂蕪野毛織雜爲志之累者剗之如里巷幽芬  
吏氓沈疴爲志所未悉者闡而揭之如風影傳訛魯  
魚滋誤爲志所應辨者攷而正之叅故衍新衷以立  
覽析綱臚日卓有鴻裁至傳贊典則式玉式金又在  
三秦兩漢之上巳洵一時之實錄奕世之憲章也纂  
告竣公函一帙示予並命予序予以公負有夙慧綜

竅羣芳西窵汲墳無不摻之秘其取精奢矣攬轡澄  
清周遊九野瞽工岳牧無不如之竒其集思富矣旁  
通乎性命之情曲致乎民物之隱而撫今追昔含垢  
揚薶凡所爲感興廢嚴袞斧軫利病挽淳澆者靡不  
天地之鑒而日月之昭豈第摛藻春華班馬質成董  
狐遜席可稱良史而世道民風千古無墜實嘉賴之  
筆削而後寥寥不槩見也予於此窺作者之志轉穆  
然於春秋之微矣卽游夏曷能贊一辭 崇禎初元

歲在戊辰莫春月旣望日賜進士出身奉直大夫知  
河南汝寧府信陽州事任城徐標撰



羅山縣舊志序

乙丑之夏余受簡爲郟城尹於其行也謁辭長安顯者顯者皆蹙額致語謂中州至難治莫郟若官此而升者指不多屈如難其難或暫棲之圖易地可也余謝曰地何臧否惟人是視人之不臧焉往而善哉遂叱馭而進入其疆山川幽秀井里秩如狗吠雞鳴聲聞四野居然樂郊也比視事承前令龔瞻鳳公振理之遺庭無積蠹案牒聿清間有一二奸頑小役角訟

愚氓稍法繩之馴矣至惟正之供子來終事甚有衣食不自給而爭出以輸將者亦習俗然也其鄉士大夫非式廬以造則不得亟見而析民瘼於指掌燭吏治於列眉所煦煦告者皆應著蔡奉之而親如骨肉聯若家人一事之長輒揄揚之無不至尤屬異觀堂上鳴琴如遊佛國矣崧高之詩曰我圖爾居莫如南土蘇文忠與畢仲舉書云羅山素稱善地於今益信旨哉其言之也余濫竽茲土不揣駑鈍龜勉仔肩迄



今已三閱歲日惴惴焉覆餗是愆倖免於戾而當事者且交章以最狀聞榮邀天寵恩逮於所生不知何所爲難何所爲難其難又不知更有何地可易此者私計顯者之言當必有誤所聞者也偶退食取邑志披玩之見剏始者固有盛心而關節繁文似猶虛焉而待於纂脩事請於劉方伯公公欣然任之質之輿情矢之天日出其富有潤以新裁震公涵長實工傳贊而較讎叅訂則以藉力羅銓君及諸孝廉贅者汰

畧者補俚者飭疑者核典而精該而文卽置之左胡  
董賈間當無由辨甲乙邑之乘國之信史也觀風者  
有會於此其於鄙之概思過半矣余樂斯志之成因  
敘志而併述其邑之美有如此俾後之君子無誤以  
重誤或隳心於所難而逐逐焉有易地想也 崇禎  
戊辰之春三月穀旦文林郎羅山縣知縣文安李崇

德撰

羅山縣舊志序

邑之必有志也蓋以紀其一邑之槩以備觀風者之采擇也而志之務求其精且詳也則上下數千百年時勢遷移故實遺佚以一人之智力窮之不無舛訛掛漏恐以貽當世有識之譏與後代君子之恨也羅之有志自襄陵李公始勝國以前毋論遡國初已二百餘年矣公饒史才著述亦復不少而獨其志羅也庸有謂其搜闡之未備者意其時識大識小若存若

亡無所得東觀之儒與西崑之籍備顧問而廣叅詢  
且事在創始寧慎毋疎寧約毋濫志之質而傳公力  
耳十餘年來一再刻而乃不免於叅差謬戾訟盈廷  
與道築舍與識見牴牾而籓籬峻拒與抑襄一邑之  
大典亶未易易歟余戚友劉方伯公童年齊聖受清  
白翁庭訓載籍匪所不窺而又有沉雅之孝廉公爲  
之子觀其守毘陵纂刻府志一時紙貴三吳居常以  
邑之有志而無志慨然於中其自通籍後歷敷燕趙

金陵吳越秦楚東魯諸方胸眼既寬考求既密於是  
簿書之餘脫藁且就而邑侯李公下車兩年間以精  
明揮霍之才爲博大寬平之理清心省事翫陵之習  
都除薄罰輕徭凋敝之風頓起青箱夙擅白晝頻閑  
因方伯之東歸而謀所以新邑志者則魯魚亥豕之  
慮有同心也較叅裁定將授梓人而余適至自白門  
乃得其藁本讀之則見其綱目臚如經緯秩如體制  
倣諸大方論贊綽有深意人之有益於地方者無微

而不及事之有關於世道者無隱而不彰搜竒摘遠以示公藏慝標媿以存厚他如風俗之數辨則爲今故以剖疑而非有所矯節椽之慨收則效春秋之取節而非有所徇精而核簡而不遺羅之志庶於是焉定矣余謂自漢以來作史者無慮數十百家獨太史公遷稱爲獨步彼其家世淵源足跡遍天下體裁隳括嚴確精工後來諸儒皆不能及而議者猶以疎病之若有餘恨焉者其他則鉛槧方新雌黃頓起後之

視今猶今之視昔益信此道之難而方伯之有功於斯役也讀贊之卒章有麟也胡來之嘆自任固已不小矣余愧以五年勞吏歸來喘息未定不能贊一詞是以不敢當叅較之責蓋史以傳信而不敢自附於信以傳耳及刻且成邑侯以首序見屬屢遜讓不可得因念此書之作迨今四十餘年刻者凡幾而今始圖成書以廣其傳則大典之襄信爲有待余旣幸爲志之所收又安可自爲志之所棄輒僭數言以應邑

侯之命而中實有恧然不寧者至於茲編之訂訛補漏成襄陵之美以洗近日之非懸之國門以俟君子當必有共識者矣

天啓七年秋賜同進士出身承德郎南京吏部驗封清吏司主事本邑人羅華袞撰



羅山縣舊志序

邑志前代無攷入國朝草創於 治則訓導應城陳君鉉邑人張君仲簡爲也纂輯於萬 之癸未則邑侯襄陵李公手裁定之邑諸生三四輩佐焉蓋李侯以伯夷之清秉董狐之直是稱信史云厥後三十餘年而邑侯邠州劉公續加補綴時余方守常州而署余名總裁誠重公意然名實不無相牴也越七年余乃言於邑侯泗州許公公遂以釐正屬余余脫稿未

定以備兵河西行稿藏於家爲署篆程衛幕付之梓  
篇目多舛繕寫蕪雜志自是名實仍相牴者三四年  
而今邑侯文安李公至才品雙超百廢畢舉一日造  
余曰邑志無當君固慨之盍終惠焉余瞿然曰微公  
命廣固當言敝邑卽不腆其自春秋號稱九塞之一  
生茲土者若漢費亭侯觀吳孟司空宗晉孟叅軍嘉  
處士陋國朝王驍騎鳳顯皆千古偉人舊志並軼不  
載他如天文藝文非邑乘之所及而古蹟之傳訛物

產之凌雜風俗之全抄家禮年表之強同史漢皆所  
宜裁而名實不副又實惟余責今日之事誠有不得  
已焉者矧昔在常州固嘗舉百二十年之闕典勉成  
之今茲又將焉辭用是取念年來宦轍所經凡郡邑  
志之極有體裁如黃州武功數種倣而衷之更謀諸  
姻友羅選部王叅戎輩互爲稽覈而芟冗綴遺訂訛  
屬贊則兒子夔謙實肆力焉以副邑侯嘉惠鉅典至  
意大都一采輿論慎在單辭天日鑒之必不敢自欺

以欺天下與後世也總爲卷四爲類十爲款四十有五刻成紀其本末如此皆天啓七年歲在丁卯仲秋穀旦邑人劉廣生謹撰

羅山縣舊志序

史與世相須久矣鴻濛初文字未立至夏后氏始有  
禪史商周間采風里巷集而爲詩迨王迹熄而詩窮  
尼父託魯史以修春秋編紀實美刺善惡確如衮  
鉞經中之史誠萬古法程也後代有編著迄勝國  
共二十一書縱擇語未盡精詳而大制度幾備已郡  
邑循其源而別其名曰誌蓋誌者志也如心之所之  
展錯酌應誠不可一日無者羅邑故缺略未彙前令

襄陵李公慮其無徵也謀於野質於士林大夫攜撫成帙計目十四計條三十有六興廢之盛舉一邑之大觀矣癸未抵今業已三十餘年世風經幾變更人文經幾改易抱聞政之想者往往病之予承乏來守茲土輒屣踵塵之思慚獨當君子毋貽遽大夫憂寢久之會州守燕臺楊公剏修申志羅係申屬邑也公以垂蔭庇宇下併採羅之事蹟附入牘中予豈無高山景行之仰乎爰是以簿書暇日邀集邑縉紳生先

學博鄂邑向公鄴郡梅公關中焦公及邑中庠生  
劉登瀛尙捷雲李良一周命新等盟心商確取前志  
一翻閱之於諸目中若敷野分躔尙屬申原度數因  
之可也它如山流圯沒之不常署宇興廢之不一戶  
口增減之不定徭役損益之不齊津梁有就徙附於  
利澤之中儀制有殺隆列於典禮之內厥糧積於近  
日故設倉儲之條馬政調自邇來猶贅兵防之後社  
學有置童蒙無求我之嫌學田有租督教有糊口之

用傳官師之淑範表賢節之優行昆蟲草木驗物情  
之妖祥市店梵堂關營建之臧否譌舛悉正無魯魚  
亥豕之差怪誕全怯鑿鳧飛羊鳥之弊另於每條下  
詳悉敷明甫閱月而告就夫予沐明天子之庥光荷  
諸臺司之覆露漸染賢士大夫之規爲蒞任五載焦  
勞萬狀期以築蹇礪鈍大酬素心今邑志幸成而予  
志未竟能無惡於志乎僉曰志罔志矣而不志之志  
寧非志耶矧壽於梓者其志彌長垂於規式者其志



彌久不自利而思以利人其志彌大君何不慊之有  
予始遽然悟怡然謝躍然興涉清淮之瀾慕唐子方  
之直節登釣臺之頂羨孟萬年之豪華過問津處幾  
希洙泗之門牆覩吉祥碑欽肅孝陵之綸煥泛龍池  
而手可探珠躋霧巔而肩能扶日弔徐開府之故址  
凜然知震夷夏之威名升劉中憲之堂簾蔚然知及  
江黃之惠澤誦天日晝雷之句仰尙臬憲之清風詳  
江右河南之聯高能侍御之聰慧民人社稷何莫非

資內之益乎榮施多矣至手沐召公之保釐感申伯  
之遺化移風易俗雖所望於吾民實賴後之君子云  
耳萬 四十五年歲在丁巳孟秋穀旦文林郎知羅  
山縣事祁州劉明才撰

羅山縣舊志序

羅故亦有志弘治中爲者於今八十餘其視矣索之  
全邑止得一帙而中又殘焉羅當是皆不直八十祀  
之典章文物逸爾而往故不絕者亦如綫也不倭自  
縮綬初輒慨焉有修志志以夙蠹繫力未果也延於  
今春之暮延三四生舉之盟之乎天日之下詢之乎  
輿論之廣稽之乎羣籍之浩而鉛槧之瘁亦躬與之  
其款之前有引後有論諸皆不佞筆也全帙旣成初

志償矣可無序乎則需於劉畢二君子二君子文人  
也援筆立就予不佞目之蔚然蒼然之奇品也其間  
褒美之詞不佞無當而劉云無詭隨無矯激畢云纖  
毫鮮僞則以識不佞之心矣不佞又何言哉乃劉畢  
二君子固不佞謂曰邑志之殘執事責也邑志之成  
執事之力也而執事之意不自表卽有二人之說在  
其盡信人乎是不宜默默而不佞始不容已於言也  
乃曰志紀事書也邑無志則邑之事淪志而不得其

真也則邑之事涓涓與淪何者非有司之愆乎而涓  
之愆比淪大焉何則淪啻無徵爾天下之公未壞也  
涓不壞公乎夫世而叔也事事皆私而其扶翊乎百  
千萬億之世不衰者獨有史公爾亦私焉其可乎邑  
志邑史也則誠宜惡於涓矣况夫國志採之省者也  
省志採之郡者也郡志採之邑者也邑志涓而浸淫  
乎郡省國矣是不惟爲邑之蠱而郡之蠱省之蠱國  
之蠱也卽其文豔於春花工於美錦技爾實錄之謂

何而淆之愆諒矣其大於淪已是故不佞也天日之下有定盟輿論之廣有周詢羣籍之浩有博稽而於鉛槧之間又有獨斷羅之事庶乎其真也已矣淪與淆之愆吾知免夫至其體制之未確次第之失宜文詞之不麗則以學之褊識之陋也有俟後之君子焉是爲序梓之簡端從劉畢二君子讓也萬曆癸未秋九月之吉賜進士第知羅山縣事河東襄陵人李

羅山縣舊志後序

夫志云者備紀載垂久遠蓋倣古國史記昔政遺意也羅自建置來代每沿革而東連弦光南襟湖楚西絙申陽北枕淮蔡中間鍾靈宦寓相繼颺起率多瑰奇卓犖之流素以名區稱惟志逸且廢者餘八十禩吾師西晉李公弱冠登上第奉命牧茲土浹數月約已惠民政修人理蒐故乘未得忽喟然曰邑罕志事罔從稽矣可乎哉遂諏日開局集二三校彥摭羣書

編彙成帙筆削取舍悉由獨斷爲綱十有四目五十  
有七首曰天文以萬物本乎天也次曰地理以萬物  
役於地也有天文有地理則人得平土而居矣故民  
社次之然民匪養罔克以生匪教罔克以穀匪思患  
而預防之罔克以寧也故田賦利澤次之學校典禮  
次之而兵防又次之凡此皆有司者責也而其行政  
之所與後先宜茲土者之名氏績業皆得紀焉以此  
志公醫志官師也有官師以盡養人教人衛人之責



而賢才出矣君上之寵遇亦且致之矣故次以人物  
恩典而文藝則又次焉本先而末後也至於事之難  
齊者又皆弗遺而以雜著終焉體峻事核詞諛意遠  
信足志羅矣余小子立受簡竟讀廼竊深嘉吾師之  
識而益以見大公之心不朽也昔朱晦翁仕歷閩浙  
所至率先脩志誠識治道之急者卽師惓惓首務豈  
遜晦翁至觀篇中品隲之攸當芟錄之適宜節愛之  
俱悉其爲民爲國之念纖毫鮮僞藉第令晦翁當此

亦蔑有加也已繼自今蒞茲與產茲者善體師心守而弗替斯士稱良士牧稱良牧則是志匪真信史共龜蒙策並傳也與哉余小子輒安所贊一詞敬持以驗於邑大夫士僉曰子知君侯也其梓之爲史氏採詢者之媒萬 癸未秋治門生邑人畢竟立拜書

羅山縣舊志後序

鄙故有志然殘缺散逸舊矣自正嘉隆迄今五朝  
典章文物率湮沒不可考每值觀風咨采文客顧問  
輒倉卒無對尼父病文獻無徵鄙誠無徵已前令往  
往慨之第因循須後來以故軫念編纂者寥寥無聞  
也壬午春襄陵李公以進士來令茲土甫下車首詢  
風土利病次卽按部考跡而問志謂典籍有關於政  
教也旣廉其廢缺無稽公愀然嘆曰嗟哉茲守土者

之責哉夫邑而不志與志不稱邑卽峻城廣疆罔以表鉅麗官師俊乂罔以紀偉烈是責在予予何敢讓焉遂毅然任輯之皆方脩舉百廢甫秋赴省試校文冬上計天官相屬載道不果及入 覲還克成前志

乃大肆力於校讎禮諸生胡子室張子守禮徐子汝化君冊輩朝夕從事四越月而志成惠之剗劔授簡世德使序之德也愚於志無能爲役然竊有識焉志以載事匪徒以辭勝也將以彰往鏡來昭勸懲裨屬

教耳獨怪志之弊有五近伐率蹈之小說逞而大綱未著浮詞眩而實蹟未諳曲節取而中道未闕新聞豔而舊章未續諛倭滋而紀綱未振之數者忘之廢也謂信史何公悉祛此弊延訪隱逸博極羣書考覈之惟精聽採之惟審每類必括而爲引每傳必酌而爲評然皆悉出已見而合輿論無詭隨無矯激也其沿革建置文物川谷之殫精厥思毋論已獨于口口田賦廼閉閣投牘籌之數日始著爲令甲者曷以故

祇恐後代浸漁者之去其籍以禍吾民耳思遠慮深  
勒茲偉典民瘼國計永永是賴豈直分星不舛遺事  
盡羅地靈表見嘉典無滲已哉若靈臺豹鼠之疑石  
室削青之脫吾知免也夫語云前者勦後者則自今  
計之令茲邑者曰核哉吾得所稽勉而爲良以無負  
此志繼進稱士者曰嚴哉吾得所循勉而爲良企鄉  
先生之芳以無媿此志茲固李公輯志之盛心抑亦  
二三子同志之功志四卷首天文地理卒以雜著

十有四目五十有七或疑過詳詳志體也司國史者  
有春秋之筆將取節斯志焉萬 癸未無射月治下  
邑人劉世德頓首拜識





纂修羅山縣舊志官紳士姓氏

纂修賜進士文林郎知羅山縣事李

道

山西襄陵人

同修舉人

劉世德

邑人

畢竟立

邑人

重修文林郎知羅山縣事李崇德

北直文安人舉人

同修資政大夫南京刑部尙書前湖廣右布政使劉廣生

邑人

中順大夫天津衛運叅政前吏部主事羅華袞

邑人

同較舉人

劉夢謙 黃光燁 周蘭 劉士蘭

畢琳

同較生員

劉登瀛 尙捷雲 周命新 徐明臣

李子美 趙亢宗 黎向明 徐良臣

徐本 李良一

志首建置而不及天文天文非邑乘之所及也  
故止綴數語沿革中

風俗斷自聞見真確者且著爲辯志覈也

選舉舊例人物志內今析之志辯也

人物凡舊志缺者補之未入者續之志備也原  
具者大抵仍其故志慎也篇中善之巨細事之  
隱顯傳之疑信務本輿論一字不敢輕假志信

也

一先大夫里賢義夫兩傳不敢以私親避志公也  
 一官于斯產于斯者傳美不傳惡而一善足錄者  
 必于題名見志厚也

一史志藝文志秘書之篇目與廢興也郡邑既無  
 藏書又無藏板志此何為若徒取碑板之文雜  
 然前陳褒美失實使後人無所衷余甚不取武  
 功康太史先得余心矣其諸碑文有事宜傳及

題咏不能盡削者各以其款附載焉

一述贊間用古叶及洪武正韻如家音姑制音折  
下音虎福音璧馬音姥好音侯上聲世諧備昔  
諧特之類茲不悉觀者自得之

邑人劉廣生謹識



汝寧府爲纂脩志書以備典要事蒙

河南布政使司信牌順治十五年三月二十八日

蒙

欽差巡撫河南兵部尚書兼都察院右副都御史加  
一級賈 憲牌前事照得各府州縣之有誌也其  
所紀載不越提封四境之中而實能備

國史之所未盡猶大宗之有小宗焉猶江海之支流  
山嶽之嚶阜焉不可廢也中州夙稱文獻名邦高

賢輩出其于典故載籍必所素重昨據該司呈送  
通省府州縣誌書僅四十六種其餘各屬咸稱兵  
燹之後蕩然無遺就其中新經纂刻者止汝州永  
寧等數處此外皆係勝國舊編而于迄今之事俱  
付闕如及今不圖恐世遠言湮老成凋謝後來雖  
欲從事勢必更難擬合通行急爲纂修爲此牌仰  
本司備行到府蒙此擬合就行爲此特仰本縣官  
吏照帖備家憲牌內事理即察該縣無誌者速宜




網羅舊章博求稗乘敦禮著英開局哀輯其有舊  
誌而未載近今之事者或有雖經翻刻而因陋就  
簡不諳史裁者亦須多方採集更延名碩訂正務  
使缺畧咸輯今昔備載修成先錄清稿具文徑送  
本部院并送本司本府披覽諒此不朽之垂人人  
自有同心也慎勿遲違須至帖者

右帖下羅山縣准此

順治十五年五月

日行



汝寧府爲纂修誌書事

欽差分巡汝南兵備道張憲牌前事照得汝屬各

州縣誌書兵火之後存者無幾近奉督撫檄催

幾無以應值今中土又安境內文獻猶有存者若

不蚤爲修輯何以備一代大觀爲此票仰羅山縣

官吏卽查該縣誌書已經兵火者固宜訪求舊本

續輯新編卽有現存者亦應續編近事以成當代

典章幸勿謂毋關吏事致舊典遺俗名賢孝節

永山縣志  
民無聞也須稟

右仰羅山縣准此

順治十六年七月

日行

修詔姓氏

總裁

蔡河南憲督憲兼河道李祿

都尚書兼都察院右副都御史加二級

賈漢復

陝漢瀾州籍由沃人

巡按河南監察御史劉源濬

澤州九北直滑縣人丙戌

提調

布政使司左布政使徐化成

文侯昌平籍滿洲人丁亥貢士

右布政使姚延著

格做浙江烏程人丁亥貢士

按察使司按察使李茂

盛京滿洲人貢士

管通省糧儲道副使兼左叅議馬

元

子貞遼東籍真定人丁亥貢士

管通省電馬傳導道無異清關等處河寧移稱參陳士本

頤山江南武進人貢士

提督通省學政副使汪永瑞

瑞水江南長洲籍吳縣人丁亥

專管通省河道水利兵備僉事盛治

森襄江南江都人巳丑

分守汝南道右叅議張維養

龍丞山東齊魯人恩貢

分巡汝南糧儲兵備道副使張瑞徵

華平山東萊陽人壬辰

督理

汝寧府知府金鎮

長真順吳宛平籍

通

判莫煥

人貢士

推

官張鼎燹

東麓北直束鹿人乙未

信

陽

州

知

州賈待旌

獻之山西襄垣人拔貢

纂修

羅

山

縣

知

縣李賡明

鶴仙福建侯官人拔貢

同修

羅山縣儒學署教諭事舉人常景星

薇垣河南新安人辛卯

通政使司左通政劉士蘭

湘晚本邑人丙戌

湖廣 衡州府理刑推官劉夢興

茗柯木邑人丁丑副榜

湖廣 攸縣知縣劉夢淑

陶叔木邑人

浙江寧波府理刑推官劉慤

澹軒木邑人

分脩

劉蓀芳 黎天民 畢拱樞 張潛

畢拱垣

叅訂

中之真

黎亭一

姜明翰

張萃洋



汪泰 王履升 曾士弘 徐自樞

羅經 李興 薛周煌 徐必達

劉紹芳 張若樞 楊楚芳 劉其振

劉其錫 呂世昌 劉惠 鄧喬虛

李山斗

黎閱

李起 張際泰 岳岱 黎毓恒

林時泰 汪俊 劉堪 劉起甲

黃之柱

顏之聞

李天惠

龐質

劉檝

劉淑如

黃應麟

熊資王

鄆紹姬

尚景望

羅以誠

余邦彥

重修羅山縣志凡例

一舊志所載者極爲簡覈乃出自襄陵文安及羅  
邑名公鉅卿之手無可非議但取裁稍隘而筆  
墨過儉今分爲八大綱五十細目綱各有論贊  
而諸目則以數語引其首稍加點綴必遵舊志  
爲繩墨志從先也

一舊志于各目之內俱綴以四言小贊詞甚莊嚴  
而今志標目不同不能強合舊志論贊惟贊贊

羅山縣志  
名宦傳後其贊俱採舊志而新志所增入之名  
宦鄉賢亦倣舊志贊之庶觀覽不嫌矛盾

一天啓丁卯志以沿革入建置通志以沿革入輿  
地沿革卽在輿地中謹從通志

一星野非專家莫能辨舊志止綴一語于沿革之  
下然而周官列太史氏班在家宰上敬天也羅  
邑雖微非天所覆乎今乃稽古今星緯諸書而

一舊志湖陂渚澤皆入水利良以蓄洩灌溉爲田  
農急務今一畝十鐘之沃土皆產蒿萊所謂蓄  
洩灌溉者蓋亦寡矣繼川澤而存其名可也  
一集鎮不但昔盛今衰卽昔之存者今且空矣詳  
志其名亦寓儆弇之意興復將有待也

一草昧初開雖奉鬪七篋三

明旨而羅殘於盜賊始事者未察民艱遂定熟糧二  
千餘石實不能供億

朝延接圖索賦官民常至交困若當隆萬之盛卽倍  
此何難今附載原額亦以見古今盛衰之不同  
而所以綏輯凋殘者當亦有生聚之術不可忽  
也

一舊志以學宮入建置解署之屬也以二祭入秩  
祀典禮之屬也茲以儒學並二丁執祀俱入典  
禮蓋居澤宮者卽憲章先聖之人絃歌之屬也

志中列傳皆以傳已往之人而垂于不朽身見  
傳後將見存之若子若孫纍纍爲註脚殊覺無  
味今俱不載聊免諛佞之嫌

國家有彰瘳之權國史遂有褒鉞之筆非此不足以  
警一豈而垂萬世邑乘有褒而無貶不敢埒等  
國史也

一羅邑令長僚佐及師儒之官見存與見任有善

政可法不得不實爲序說而亦不旁溢一語蓋  
頌遠不頌近錄死不錄生乃史氏良法鄉紳之  
現存與現任亦然而世遠人湮有德業可以垂  
訓後世者必稽實稱揚之亦以見斯民三代之  
意

一忠以事君臣子之分若夫殺身成仁以烈爲忠  
實爲人之所難他志多以忠烈載于鄉紳名宦



一三途爲仕宦之正皆爲朝廷效能宜大  
編次之若辟舉恩蔭皆受

朝廷一命者也下至刀筆入仕皆服

朝廷一官者也共屬王臣同載邑乘

一選舉目內不應入封贈然恩自上逮推選舉者之心亦不恐以姓名先其所自出猶之子齊聖而不先父食也故以封贈并選舉焉此破諸志之例而創爲之者而選舉者之匹配不嫌附

見矣

一封誥王言惟受恩之家各宜世守若一槩獨載  
則聯卷接幅莫盡也且兵火之後散軼良多而  
子孫不能念其先德者亦徃徃視爲弁髦卽欲  
博採旁搜又嫌得此失彼今盡不錄惟以受恩  
姓氏下各註以子某孫某貴爲當云

一人物自仕宦外則有不仕宦而隱逸者隣邑之  
志直稱之曰隱逸而羅之舊志乃缺然弗錄然

凡例

三



一 羅邑無藏板且無藏書止將藝文註于古蹟之下  
下今復立藝文一目其先輩或有制作莫可訪  
求惟劉大司寇章疏詩篇極富具家集中茲不  
復載

梁官筠仙李麇明識

謝  
深  
下  
日

河南汝寧府信陽州羅山縣爲重修省志以昭  
文治事康熙二十九年六月二十六日蒙

巡撫河南等處地方提督軍務兼理河道都察院右副都御史茹綬

憲票前事照得詩書雖缺必取信於師儒典禮  
不亡幸取徵於文獻故國有史邑有志所以辦  
風俗稽戶口崇懿嶽示法守也矧豫州居天下  
之中四方道里所均而可殘佚不補哉本都院  
下車以來卽撈取各府州縣志細加繙閱其率

畧舛譌十之七八卽欲令各府州縣重爲纂輯  
恐時絀舉羸故爾中止獨省志爲八郡一州之  
綱省志脩則綱領備而條目可以徐及但自我  
皇朝順治己亥以後歷三十餘年未經續修若再因  
循則世遠言湮譜乘散遺老成凋謝尚何從徵  
信耶廼於五月朔設局嵩陽書院敦聘先達身  
任其事而三十年來一應事蹟必須所屬地方

專訪開列以憑考覈爲此票仰各屬官吏



照粘單事理親自採訪務在精詳毋得遺漏取  
駁未便文到除將該縣舊志呈送外餘限十五  
日內造清冊報送立需付局慎毋遲延速之慎  
之計粘單一紙等因到縣蒙此又於康熙二十  
九年八月初六日蒙

巡撫河南都察院 憲牌爲續修志書以存文獻  
事照得郡邑有志必信必徵始足傳後其間博  
而不支簡而能盡彬彬六雅上之可列於職方

下之可藏於石室蓋有關於政治者非淺也豫  
省當天下之中道里所均古聖先賢大半發跡  
於斯則輶軒所至未有不訪其故實者而郡邑  
之志已三十餘年莫之增修其爲遺漏者多矣  
又昔年脩志止取備文未加訂或限以數日  
或所託非人本都院逐一查閱府志如河南南  
陽縣志如宜陽河陰蘭陽等志荒悖失倫莫可  
枚舉至於安陽汲縣乃彰德衛輝兩府首邑竟

無志書尤爲缺典今本都院已將通省志書羣局修正而各府州縣所送續冊未能盡一又通志所載限於定格不能如府州縣之詳則三十餘年所遺者十之六七自此漸遠漸至凋殘文獻無徵何從取信矧此三十年皆我

皇上生聚教養之所培育其戶口日增土田日闢文治隆而風俗厚災祥見而官民警安可不大書特書以爲一代盛典哉擬合通行續修爲此牌

仰該縣官吏照牌事理卽延文學名儒熟知典故長於史事者博採典故蒐羅遺軼其舊志未載者一一補之舊志之外舛譌者悉改正之不得以同名疑誤相沿不得以稗官小說攙入本郡院又恐各屬參差不齊未歸畫一將凡例開明粘單於右悉照此爲規程若夫叙論之古雅典茂俱屬才人之大筆在乎各自留心稿成先錄

章本呈送本郡院披閱裁定其所費紙張正精

須量力捐資慎勿絲毫泐之民間諒此不朽之  
盛舉可指日觀成也速速計牒單一紙 一總  
圖須精詳 一沿革須照諸史考證毋得混入  
不必過多 一天文畧摘切要者勿用混載以  
分野所躔者廣也 一四至疆域要考正 一  
建置城池須載明幾時建某人修一一查明學  
校止載起建修葺不必載間文其新定樂舞等  
宜增入 一河防宜先叙前代而以近今所開

所淤備細入之 一鄉村鎮集止載方隅里數

有古事者註之 一公署止載創建始末 一

橋梁亦載建造始末 一倉庫社學止載方隅

建造月日 一街巷坊第須註明何處已上凡

有事賢者當詳去而載之祀典及書院考正載

之勿遺 一山川須考果係封內者方載入不

可遺漏河道要將近日所開濬淤塞變遷等造

明其間事實備細詳查註明不可以小說攙入

如宜陽港之可笑也 一古蹟須考明某代某人將事實註明不可遺漏不可以小說攙入如宜陽志之全載野史也 一風俗畧載之而自加論斷 一土產非地所出及平常草木可不必載須載其特產者 一陵墓須註明某代某人石碑碣與否 一寺觀必奉 勅建或建置已久有可考者載之餘刪 一賦稅止載舊額若干新增新減若干不用一一細註有關係者

全載之 一職官須載其爵里時代年月有可  
紀者畧書之實係名宦則立一小傳於後須考  
正 一人物聖賢忠貞並入其科貢等必載其  
家世時代年月字某號某分別某科某項若係  
鄉賢爲立一小傳於後 一流寓孝義烈女隱  
逸方技各考實詳覈以載其節烈務在闡發幽  
光勿專載世家而遺寒素 一藝文須擇佳者  
或關邑乘者載之八景可不錄錄必錄其佳者



災祥雜志倣古爲之等因到縣卑職遵奉

憲文暨單開欵項逐一詳加稽訪質之耆儒於前  
志已備者註云詳見前志某綱某目於未載前  
志者矢公矢慎以續之雖不能出新裁以佐大  
猷亦不敢掠前美以爲己有一惟前補其罅漏  
後俟乎潤色據事直書寧簡勿濫期無負

憲天傳信之公心斯已矣爲此繕書稿本備由具  
申伏乞 照驗施行須至申者

右

具

申

康熙二十九年九月

日具

羅山縣續修志姓氏

總裁

巡撫河南等處地方提督軍務兼理河道都察院右副都御史加四級關興邦

懷公奉天籍寧  
府人癸卯貢士

提調

河南等處承宣布政使司布政使許勳

無功遼東  
人廕生

河南等處提刑按察使司按察使加六級胡介祉

茨村順天大  
興人廕生

管理通省驛鹽兼理糧務河南布政使司仍以副使分守開歸潁道韓傑

陝西涇州  
人廕生

提督通省學政按察使司副使張潤民

敬齋山西夏縣  
人丁未進士

分巡通省河道按察使司僉事加一級牟鈔元

衡山遼東人

整飭撫民兼理糧餉河南按察使司分巡南汝道僉事袁虞尊

廣德浙江會稽人貢生

督理

汝寧府知府加一級何顯祖

邁公奉天義州人廩生

汝寧府糧捕通判張國英

公亮奉天開元人官監

續脩

羅山縣知縣加一級魯麟

振公遼東洛陽人監貢

同脩

羅山縣儒學教諭姚奏人舉人

羅山縣儒學訓導蕭元韻

同校

魯鷓 夏祚元 顧錡

同閱

沈永祥 張若樞 羅經 劉名鼎

劉名燹 宋之璟 劉金軻 李天培

畢拱華 李如蕙 黃鍾



羅山縣志續修凡例

一志自明萬 癸未訖崇禎戊辰修者別之曰舊  
志故國志也

國朝己亥歲修者尊之曰初志

國初志也今

龍飛康熙三十年修者繼之曰續志繼續無疆也後  
凡稱志者例此

一舊志當有明末衰時邑有名公鉅卿屢爲叅訂

凡爲綱爲目尤要尤詳故初志因之較△汝志  
綱目同者什九現奉

大中丞閻公所頒條目悉備於綱目中故仍從初  
志取其畫一

一初志八綱之首括諸目以一引其文致近古第  
於各口之利弊尚未暇及今以志本示人興除  
遇有關於

國計民生者不憚諄切言之質而少文所不敢辭



一志以傳信尚矣雖然亦難言之辨譌則人持其說徵實則家獻其珍衆議之公而或私一人之智有未逮在昔類然今敢自謂信耶信吾心焉耳舊例有云傳美不傳惡諒有所受矣

一星野自漢唐以來所屬不一大約以一統志爲近是槩指古國疆域或有出入直指今觀照臨必無游移也爲補星野辯

一履畝以定賦羅邑原有舊制明季兵火之餘典

籍蕩然無不前之履畝者吏役意爲多寡以致  
民亡田蕪反虧正賦徃徃令累考成今特訪之  
首邑汝陽近隣真息畝制皆與羅舊制相符爲  
補畝制說

一儒學舊志屬建置綱內初志移典禮綱內尊聖  
教也恭遇

皇上幸魯登堂崇儒重道遠邁歷朝則儒學之屬典  
禮也允宜又舊志以封贈次選舉日末初志

於選舉目首以子不先父猶二祭必先啟聖公也茲竝從之

一鄉儀志與風俗志不同風俗志但記其風氣俗尚若鄉儀則宜著爲一鄉之令儀使其共爲遵循正所謂移風易俗者也因敢據家禮之意而簡其節文使愚樸者皆得以自盡其至情

一藝文疏章有關於政治詩歌足發乎性情以他書所不經見者爲貴舊志例已云邑無藏板且

無藏書無從錄補近日碑文有關於教義者惟  
大中丞閣公頒勒十六條暨前任 佟公賑饑記  
並足不朽而本邑義學學田大通橋碑記亦宜  
示後人以勿替外此賦景詩歌亦不多錄

持授河南汝寧府正堂紀錄二次紀功一次孫爲  
通飭事乾隆九年九月初一日蒙

布政使司票照得郡邑之有誌猶國之有史史載  
一代星野疆域祥瑞災異以及君臣紀傳中外載  
記誌亦如之史卽誌之合誌卽史之分也豫省通  
誌於雍正年間延請名儒考訂纂脩刊刻成集固  
足以信今而傳後但通誌爲一省之綱領其細微  
節目端賴邑乘考載詳明查各府州縣誌書大率

於康熙初年纂定之後未經重輯類皆殘缺此艱  
十年承平日久戶口繁多教化日興風俗移易土  
田則有墾闢之殊疆域則有改隸之異其人才疊  
見如掇高科而登黃榜者不乏人節孝可風而義  
行堪傳者不乏人至備位茲土某某治行卓越某  
某素餐貽譏其姓氏尚在人耳目間及今博採輿  
論猶不失其真倘再因循日久不思增輯後之人

鄭

擇而編載之苦於文獻無徵則數十年之

因革損益政績文章人物風土幾何不湮沒無聞  
謂非守土之咎歟夫今日之牧令額設公費無多  
欲其聘延碩彥多人開館纂輯付之剞劂誠力有  
所未逮然就邑中紳士擇其品行端方素有文名  
者一二人與之商確考訂照依舊條款逐加增輯  
抄錄成書一申司府備查一付禮房收貯俾後之  
人稽考有據可以踵事而纂脩之其事簡而易行  
其費約而不繁當亦諸君子所樂爲也合行通飭

爲此仰府官吏照牌事理即便轉飭所屬一體查照辦理仍將作何脩輯緣由先行具報事竣將所輯之書抄錄送司查考毋視爲迂緩而致有高擱之舉毋畏其繁難而等於道旁之築是本司所深望也毋違速速等因到府蒙此擬合就行爲此仰縣官吏照票事理文到作速查照辦理仍將作何脩輯緣由先行具文徑報布政司及本府事竣再將所輯之書抄錄備文徑送



布政司及本府查考慎勿視為迂緩而致有高擱  
之舉毋畏其繁難而等於道旁之粟是所深望也  
毋違速速須臾

石栗仰羅山縣准此

乾隆九年九月初八日



羅山縣增修志官紳士姓氏

總裁

巡撫等處地方兼提督銜節制

都察院右副都御史加一級紀錄六次

碩

色

靜菴滿洲正黃旗人

欽命巡撫等處地方兼提督銜節制量務兼提道

兵部左侍郎世襲三等伯

鄂容安

虛亭滿洲鑲藍旗人癸丑

日講官起居注提督河南全省自學政翰林院侍講蔡

新

葛山福建漳浦人丙辰

提調

特授河南等處承宣布政使司布政使趙

城

巨輿雲南通海人乙未

特授河南等處承宣布政使司布政使富

明

滿洲鑲白旗人

特授河南等處提刑按察使司按察使紀錄四次嚴有禧

江蘇常熟人

特調河南布政使司分守糧儲驛鹽道加二級紀錄三次金

山

滿洲正黃旗人

特授河南等處分巡南汝道兼管水利事務按察使副使紀錄五次在

業

浙江山陰人  
庚戌

督理

特授河南汝寧府知府加一級紀錄十四次佟世表

正藍旗人

汝寧

府糧

捕

通判樊天溥

江蘇常熟人

增修

羅山縣知縣加一

級紀錄五次葛

荃

榮蒸四川溫江人

同脩

羅山縣儒學教諭杜燕錦

滄苔登封人  
乙卯

羅山縣儒學訓導劉

制 天章偃師人

分脩

貢生 李之杜 本邑人

貢生 黎思恭 本邑人

貢生 謝寶樹 本邑人

校刊

貢生

李之房本邑人

增生

周屏翰本邑人

羅山縣增志凡例

一茲志本舊文而續增之與康熙辛未志事同一例但彼已名續志今標爲增志以便覽者

一舊志幾經纂輯皆名公鉅卿竭一時心力爲之非確有所見不得率意刪改若實係謬誤可批導其所以然者亦不敢盡奉舊章

一舊志綱目統屬極當無庸再爲措置但寺廟與古蹟不類坊珉與街市不類捐職與例監有別

今均另立一目

一明志每於諸目後贅以四言小贊

國初志止於宦蹟鄉賢耆舊孝義用四言贊餘俱刪去甚爲得體康熙辛未志又於官師名位節烈繫以四言贊餘目俱闕反覺參差今悉刊落如初

一引語跋詞各有體式初志引語止用初志語氣續志引語方入續志語氣至跋辭是讀罷金爰



各隨所感自出意解者與引語虛實偏全不同  
舊志每於更換初志引語便入續志事實跋辭  
止將題目敷衍一遍與引語全無分辯非體也  
今擇其尤者悉改正之

一志以備興除昭法戒一切引論務中切要舊志  
雖典瞻有餘而事理或未明確不免月露風雲  
之誚今擇其要者悉更正之

一凡引論皆當在各綱各目之首但有初志本闕

事理當標舉而無地可入及關切時事不蒙舊  
文者補入各本條後權也

一凡引論新故不可並立但如風俗里鎮街市等  
項今昔盛衰不同概將舊文刪落無以見昔時  
草昧荒涼情事不如前後互證前以數語引其  
衰後以數語引其盛俾讀者知

國家教養之深轉移之速非重出也

一初志食貨門將田賦存留起運之數逐項剖

已亥以後志止分首墾更名兩項 銀分合之  
數及存留起運總數繁簡不同合有攸當繁以  
備法制簡以便觀覽初事取其備繼事取其便  
今繼事從其簡者

一凡詩文之有關政教及感發性情者俱載藝文  
目內惟

聖製序讚及樂章俱采入典禮而不敢入藝文示有  
尊也

一舊志祀典學宮但記崇重廟祀體統及先聖賢  
儒封贈進出之畧今並記四配十哲及東西廡  
崇聖祠諸賢儒位次蓋志不厭詳使閱者如身  
親其地

一人也雖年代湮遠其有蹤跡可考而舊志無傳  
者補之如萬丁巳序有讀江右河南之句是  
能璘本有傳也不知後來又被何人芟却竊嘆  
如此奇士而不傳更將何傳耶今憑故老傳聞

爲精小傳以爲論世知人者徵焉

一藝文多記建置諸碑文但建置事跡已於本門內詳載此則以文章爲主必議論確切辭章雅鍊方敢采入其蕪穢無法者不敢濫錄以壞文

體



非崇獎高尚之意也今另立耆舊一目而不必有隱逸之名

一婦人女子以節烈名者道同而事異諸志皆合而一之非是今取潔清貞守者爲節慷慨就死者爲烈今析節者烈者而二之志辨也紀節烈者而終之志全德也

一節烈婦女舊志寥寥數語畧無紀述雖號爲傳實爲列名昔日久遠者不得妄爲附麗至于年

代尚近口碑可致並明季罹于冠禍者或一人而一傳或數人而一傳撫其實蹟而播其芳聲間有傳所未盡者復爲贊數語而非溢美也

一舊志無戡亂一日無亂可戡也明季大運旣傾群奸蠱起州澤荷鋪之人公磨無籍之輩烏合橫行盤據山砦其焚劫較流賊倍酷一旦元惡授首脅從悉解合邑得安居樂業之常

朝廷有折戟授俘之慶茲勝舉也惡得不志



維山縣志目錄

卷之一

輿地志 凡八條

沿革

疆域

星野

山川

形勝八景附

里鎮

風俗

物產

古蹟

寺廟丘墓附

卷之二

建置志 凡八條

城池

公署

官秩

街市

坊塢附

壇壝

橋梁

武備

惠卹

卷之三

食貨志

凡四條

戶口

田賦

徭役

稅課

卷之四

典禮志

凡六條

儒學

社學

公式

祀典

賓興

鄉飲

卷之五

官師志

凡六條

封建

知縣

縣丞主簿

典史

巡檢

教諭

訓導

宦蹟

卷之六

選舉志

凡八條

誥贈

薦辟

進士

舉人

貢士

恩蔭

例監

吏仕

武職

卷之七

人物志

凡五條

鄉賢

耆舊

孝義

節烈

方技

卷之八

外紀志

凡四條

災異

祥瑞

戡亂

藝文

羅山縣志卷之一 知縣錦江葛奎重纂

輿地志

沿革

疆域

星野

山川

風俗

物產

古蹟

志曰坤元肇闢流峙斯形或萬里而一線或千里

而一會或百里而一區莫不有自然之形勢天光

下臨萬物資生羣倫萃處大人是經羅維蔽爾而

北近枕淮南深入楚亦覆幬之所必周也墳壙其

壤樸魯其習使非司牧撫循恒虞罔以自立爰是

稽古以定名據土以正域觀分宿以驗履祥察望

秩以明莫麗村落分而保甲可稽習尚辨而化成  
有要覈土物不責有於無鏡往事不滄得於失以  
暨正廟祀重賢隴皆所以弼正教而崇景仰者也  
作輿地志

沿革

禹貢豫州之域周初爲謝國地宣王昔封申伯于  
謝爲申國地春秋戰國屬楚秦屬南陽郡漢置縣  
縣屬江夏郡魏分南陽地置義陽郡領之晉仍屬

江夏劉宋仍置鄆縣屬義陽北齊置高安縣隋置  
羅山縣羅山之名始此屬義陽唐置南羅州尋為  
縣屬申州五代仍唐制宋開寶九年省入義陽軍  
雍熙二年復置縣屬信陽軍元屬信陽州按元史  
至元二十年以羅山當驛置要衝徙州治于此而  
徙縣治于西南號曰羅山新縣按今縣在州治正  
東而縣西南九十里有南羅州故址則徙縣東北  
也且云徙州于縣豈縣治舊即今州治乎或有誤

姑闕之明洪武初因元之舊四年改屬鳳陽府七  
年改屬汝寧府成化十一年陞信陽縣為州羅山  
隸之







疆域

羅山疆域北通真汝直達 神京以長淮爲帶而  
光息申確乃東西之門戶也澗水竹水一葦可以  
涉光息方舟可以達申陽在德之訓有明徵焉南  
有大勝九里二關山險澗曲南下有建瓴之勢過  
此則楚境矣設官置守豈無謂哉四海一家自無他  
慮然有備無患不妨志之

縣治東三十里過竹竿河入光山縣境又東南八

光州境再六十里抵其治  
十里抵其治 自竹竿河東二十里至水河入

南一百五十里至仙花店又南三十里過界嶺入  
湖廣黃安縣境再九十里抵其治 自仙花店  
西南八十里過熊家店入湖廣黃陂縣境再一  
百四十里抵其治

西五十五里過金關鋪澗河入信陽州境再六十  
五里抵其治

北二十五里過淮河入正陽縣境再九里五里抵其治

西南一百里過九里關入湖廣孝感縣境再二百六十里抵其治

東北三十里過東臯鋪淮河入息縣境再三十里抵其治

達本府二百四十里

達本省布政司七百六十里

達 京師二千四百里

星野

郡國之設所以利人民供職賦達王事者也而歷代圖籍所書必上稽天文下察分野躔次經星之屬度積分之微必與州國官宮人物之象相符豈纖緯術數之家所得而藉口與古天子諸侯各有靈臺以察災祥候氛禋而敬授人嘗之意寓焉此義和命官與職方並重者也羅舊隸申申在沿革中楚分也後隸于豫地雖隸豫而星必從天管窺

者不敢以臆推但申之躔次宿度既備而羅亦應  
從申矣惟度之分數則有差爾

信陽躔壽星之次宿在軫之十度斗建酉律南宮

占白露

望山爲信陽之屬縣星野並在軫之十度

羅雖隸汝南而

平與羅俱在淮右  
夏分野當屬申云

申伯先世封宛後改封于謝謝城在申東鄆西故

二地猶一地云



晉天文志申州屬壽星壽星之域古蔡息江黃道  
栢沈蓼房弦諸國汝南南陽弋陽諸郡邑皆其  
次也申與隨並漢東身得槩謂豫州豫分在大  
火鶉火且次七星張俱弗類卽鶉尾終猶慙厥  
度然則歐陽公所謂鄭爲祝融軒轅之墟其東  
鄙入壽星者實申境歟申蓋豫南陞荆北陞而  
西連鄭故象占于軫軫之過辰者晉志曰起十  
二度周易分野曰起七度月令章句曰起六度

明清類天文獨準唐書曰起十度是度也可以定申之野卽可以定羅之野矣

愚按禹貢以豫州屬房心二星宋分也周禮保章氏及史記天官書前漢天文志皆主房心爲豫

州本府爲豫州地似宜從豫分矣東漢天文志註星經曰鎮星主嵩山豫州又玉衡第七星主豫州晉天文志自氐五度至尾九度爲大火于

辰在卯宗之分野屬豫州陳卓京房張衡等

星次分野房心宋豫州汝南入房二度諸議不一此皆主豫分野言之也不知汝南雖屬豫州而宋分在東北周分在正北韓分在西北鄭分在正西汝南與淮南之分野有別申與羅俱在淮水之南安得以屬豫屬汝之故而強謂之屬房心屬宋分耶蔡息之所以屬房心者以在淮北也知此則知羅之屬軫十度無疑矣

附錄

軫星四形如張翼然旁傳兩星左轄右轄中一星  
長沙下則軍門星二土司空星四青丘星七器  
府星三十二併屬軫宿云

軫距極百度主冢宰輔臣明大天下昌萬民康四  
海歸王轄主王度左轄為王者同姪右轄為異  
姓轄不見國有大憂長沙主壽命明壽命長子  
孫盛軍門主營候彪尾威旗有軍出入皆候軫

出而空星出功一曰司徒主疆域人民青丘主

九邊罷府主樂罷之府經云將軍樂府歌謔之  
事星曜犯之各有咎又有車之象主軍旗任載  
所則車旗備動則直旗用亦主風軫與巽同位  
巽為風車動行疾故似之



星野辯

魯麟

凡業儒者天文考之典籍耳前志以羅軫宿十  
度蓋以羅爲古謝城謝隸申申入楚故以楚之  
分軫似羅也但未考分定星野者在申入楚之  
先後耳按禹貢豫州之域南至荆山則荆山  
皆爲豫地而申謝居荆山東北則自夏時已屬  
豫明矣今按廣輿記成於近代直註近代府名  
其分野當必有據汝寧府兼角亢氐三宿其

亢二宿北東與開封歸德共之惟氏一宿十六  
度或宜在汝寧南境則申鄆似居氏度未知孰  
是特備考以俟叅訂



星野增

按郟邑分野巳亥志謂在軫之十度者據唐天文志而叅以巳見者也辛未志謂在氏度者據輿記而叅以巳見者也但周禮注及史記天官書皆以爲房心主豫州周禮係周公手訂天官書亦根柢古書所考應無謬誤若謂疆界有差豫州之域南至荆山郟猶在荆山之北何得又入他度乎謹存其疑以待叅考

嘉善縣志

卷之二

山川舊志

古者建都作邑必據形勝易曰地險山川丘陵也  
周禮司險掌九州之圖以周知其山林川澤之阻  
大雅曰遊彼百泉瞻彼溇原乃涉南崗乃覲于京  
何則山川邦之至也五鄙居九塞之一山勢自台  
簪夾左淮右注岩髡線邈蟠亘千有餘里與濠泗  
諸山會而大隧等關僅通匹馬春秋稱爲漢東要  
害嗚乎殆天所以南北耶近郭則鳳嘴限鎮于乾

方牛首屹于艮位龍山抱于坤維淮瀨呈浩森之  
觀黃竹鼓清漣之浪山川之勝挹取殆盡而臨津  
一問目營四海之意至今想見之山河如故光景

常新吾邑弘矣

靈山

西南一百二十里方輿勝覽云此山北厚山  
最高每有雲氣覆頂天必南

羅山南一百里隋因山名縣

小羅山

一名龍山西南七里隋縣治在今城南百  
里羅山之下因山名縣人縣治背大淮面

小黃河四周十里許岡阜線拱至此突起一峯  
秀特爲一巨之勝勝三舍而羅山之名實遠

劉亦奇談載補傳即誌其落帽處  
非也彼龍山當在今當塗

明山

在靈山之西岩間有顯山三字方丈許不知何岩刻

鷓鴣山

南一百九十里昔有鷓鴣在岩間噴啼羽色鮮麗異常居人呼爲趙官家鷓

大梁山

南一百五十里

陪尾山

西南

獨山

東南五里

哭呂山

南二百三十里

仙居山

南二百三十里傳有道人廬此得道

淨屏山

南二百四十里

仙花山

南一百八十里昔有八仙花一樹其色如瓊開放月餘乃謝

黃神山

西南九十里山下有南羅州故址

五岳山

西南一百里相傳五岳神聚會于此故云

火鑪山

南一百二十里昔有煉師于此立灶燒丹石上女仙足跡宛然山之陰有會仙店

六斗山

西南一百三十里

團墩山

南二百六十里

三爪山

南一百六十里有三峯特起故名

靈臺山

南一百里

鵲山

相傳有鵲羣栖其上風雨將至則先噪

青山

西南八十里

翻車山

南一百四十里車不能逾故名

老山

南二百里

掘山

南八十里

大確山

南八十里

子路山

西南七十里俗名子路山

子路山

西南五十里

蘼蕪山

西南七十里

牢山

東南九十里

馬鞍山

在牢山西十里

城山

東南八十里

息山

南一百四十里

牛頭山

東三十里

驚雞嶺

西南二百四十里

鳳凰嘴

西北三十里

武臯坡

西三十里

望城坡

南五里

耀公微坡

東八里

淮河

水經云

發源于台簪山東經義陽城流入息

小黃河

發源靈山遼城南門東入竹竿河

瀡河

西北六十里入淮

子路河

西南五十里相傳為問津處

樂清河

北二十里流入淮今名溱水澗

馬寨河

西南五里入小黃河

竹竿河

東三十里入淮

羊馬河

西南三十里發源莽張店入竹竿河

金關河

即澗河

月兒灣河

東北三十里源出掘山流入淮

麻天河

西南一百里

龍潭

東八里上有龍王廟

黑龍池

西南一百二十里產茶有寺曰彌陀見古蹟潭深萬丈中有龍伏石椽之能浮

白龍池

去黑龍池三十里池中每有白氣傳聞氣盛必有龍出



湖

飲馬湖 東南一百里

武昌湖 西五十里

清水湖 西南二十里

衝波湖 東三十里

猪湖 東三十里

鞞山湖 南一百里

井棠湖 南一百里

稜角湖 西北二十里

富瀛湖 東十里

月兒湖 西三十里

西湖 西南一百三十里

塘堰

十里塘 南十里

天塘 南七十里

石塘 西南一百五十里

猪塘 西南一百五十里

蓮花塘 南九十里

青艸塘 西南九十里

官湖塘 西北三十里

張陂塘 西北三十里

高陂塘 西北四十里

洼塘 西十里

廠塘 北六里

千工堰 南一百二十里

棧板堰 南九十里

欄杆堰 西三十里

艾蒿堰 北十里

防

魯

麟

淮水漣水繞邑城西北靈竹諸水經邑東南皆沙  
河易崩潰難以築堤故自古無防坐是近水兩  
岸田地多所壞焉雖間有陂塘亦沙浸濇漏不  
能貯水故小旱則稻已瀟



里鎮

按大明會典以里甲定賦稅而吳越則稱區稱墾  
恒冀稱社吾邑復名爲保當以會典爲正羅山之  
里有二十土地沃衍生齒殷繁自明季流土交訐  
田土鞠爲茂艸戶口凋殘減十之八九而里甲之  
目猶存其鎮市村墟通商賈行旅者數十處亦具  
名而已

里二十

在坊里

附城

連城里

縣東三十里

羅城里

縣東南八里

富城里

縣東二十里

城山里

縣東南一百三十里

息山里

縣西南九十里

陡山里

縣南八十里

萃山里

縣東南一百二十里

青山里

縣西南一百里

安山里

縣 八十里

湖山里

縣南七十里

天塘里

縣北 十里

石塘里

縣西南一百一十里

猪塘里

縣西南八十里

樂城里

縣南二百三十里

仙花里

縣西二百三十里

仙遊里

縣南二百五十里

西源里

縣西一百里

永安里

縣東十五里

常樂里

縣東二十里

鄉

履信鄉

遵化鄉

咸寧鄉

崎嶇鄉

引遠鄉

崇寧鄉

愚按舊志里甲之名皆因地而起里有二十甲分二百戶又分子甲中丁又分子戶中約畧錢糧之

多寡戶丁之繁簡凡有征役俱得其平無彼重此輕此勞彼逸之病而催科不擾矣唯是因其地以稽其人因其人以稽其地而戶與丁皆撥公指掌也至于均賦役查荒熟則備載于食貨志一

鎮店

湯家店 東十里

鄧家店 東二十里

竹竿舖 東三十里

新興舖 西十五里

欄杆舖 西三十里

李家店 西四十里



金關舖

西北十里

雙林店

南二十里

槐陰店

南三十里

莽張店

南四十里

龍昇鎮

南六十里

周黨店

南八十里

易家店

南九十里

定遠店

南一百里

仙花店

南一百四十里

大勝關店

南一百四十里

八里店

南北俱有

淮河舖

北二十里

王家店

東西二十里

李家店

東南四十里

周家店

東南三十里

子路河店

西南三十里

李家敦 西南五十里

曾家店 西南六十里

馬家店 西南九十里

張月店 西南四十里

青山店 西南六十里

猪塘店 西南八十里

高家店 西南八十里

九里關店 西南一百里

燒盆店 西北二十里

東臯鋪 東北三十里

武學鋪 東北四十里

榆樹店 西北十里

高家店 西北三十里

里鎮增

舊志所稱里鎮憊矣自順治己亥至康熙辛未無異辭詢諸父老伊時居民濶落集市蕭條大非今茲風景知前此所嗷嗷者不虛云然賴我

朝厚澤深仁日積月累出司民牧者又多方生聚招徠五十餘年氣象丕變觀於鄉而村居互映雞犬相聞烟火氤氳桑麻繹絡何其盛也至鎮店舊止三十餘處猶曰具名今增益漸多皆熙熙攘攘交

易貿遷非復茅店鷄聲之景色矣舊名里今更名  
爲約并所增鎮店續列於左

里二十今分四十五約

在坊里今分三里橋南北兩約 兩河口約

連城里今分牛頭山南北兩約 新興舖約

羅城里今分蔡家店約 黃土溝約 槐陰店約

富城里今分獨山畝東西兩約 雙林店約

城山里今分桂家店約 龍昇鎮約

息山里今分曾家店約 陳思道畷約

陡山里今分九里關約 萬家店約 姚家畷約

華山里今分青雲寺約 班家埠約

青山里今分大石門約 南喻廟約

安山里今分子路河約 張月店約

湖山里今分黃城山約 金關舖約

天塘里今分北喻廟東西兩約

石塘里今分高家店約 西里店約

縣志卷一  
名之一  
猪塘里今名猪塘店約

仙居里今分黃沙河上下兩約

仙花里今分大勝關約 莽張店約

西湖里今名老山堡約

樂城里今分包家堰約 定遠店約

永安里今分榆樹店南北兩約 欄杆舖約

常樂里今分淮河舖東西兩約 團林村約

鎮店

何家寨 西南八十五里

塞岡店 西南一百里

尹家店 正南二百一十里

李家店 西北二十里

河口寨 東北四十五里

孫家店 東北三十五里

周家店 東北三十里

續一鼎元

卷之一



風俗

申鄆俱屬汝南其風俗古無可攷亦嘗繼于汝南而地近于楚亦微有楚俗云

史記汝南俗輕剽易發怒地薄寡積聚

漢地理志汝南人急疾有氣

寰宇記夸奢尚氣力好商賈

隋志人性燥動風氣果決平陳後俗頗變尚淳質好儉約喪祭婚娶率漸于禮

明一統志云人性清和鄉里孝友男務墾闢女修織維士風習尚文質彬彬遭末季兵荒俗漸不古國朝艸昧初開哀鴻稍集然詩書殘缺田土荆榛民喜口腹甚之窮無擔石之儲一聚飲間羅列珍膳若素封之家雖稱貸不惜也其風始自市豪而士人亦漸傳染知縣李賡明下車首崇節儉雖高會限以六簋盛筵卞二偶集四簋大禮如常一肯遠近士民翕然率從遂著爲令云有銘見藝文志

接丁郊志謂羅山申伯所漸被地遺風尚存誣矣  
自今距申伯三千年所其間割處轉徙不可勝紀  
顧其所傳申伯之遺風延陵季子適魯聞歌唐曰  
有陶唐氏之遺民彼一昔也上古重分封至殷周  
之季唐虞之諸侯半天下民皆土著安得執此例  
後世哉余故本今之俗而著之

節序俗如端陽飲蒲酒餽角黍簪禰花小兒雄黃  
塗身六月六日造醞餞縣衣書七夕乞巧中秋瓜

粟酒餠九月重九登高除夕易桃符爆竹守歲元旦親友交拜冬至不祭先不交拜善俗相沿巳从正月立春日迎勾芒鞭土牛飲春宴啖春餠元夜張燈火樹交輝士民觀燈官長不禁前二日試燈十六日游通濟橋卻疾小兒入學讀書

二月二日俗云花朝小兒蓄頂髮名小名農夫墾田地種春菜社日祀土神祈穀

三月三日登龍山朝靈山謁真武巖并玄嶽小兒

樹鞦韆於紙鳶士民踏青婦女不登山八廟清明  
墓祭插柳浸種穀下早秧

四月八日浴佛農夫插早秧

五月午日食角黍泛苜蒲插艾採藥兒女繫長命  
線敬師逆女姻婭之家往來節禮

六月六日簪榴賞蓮

七月七夕拜牛女星十五祭祖先于家刈早稻

八月中秋祭月簪桂親友彼此相饋

九月重九登高佩茱萸飲菊酒

十月一日墓祭謝土穀之神朝靈山飯僧十五日亦舉行之

十一月隨官師賀陽至

十二月八日食臘粥貯冰水二十三日祭竈除夕易門神桃符春帖隆師儀餽爆竹祀祖考聚飲守

歲

風俗

明大司寇劉廣生  
本邑人

嘗讀皇輿攷暨大明官制目羅山三言曰僻饒刁  
蓋不禁 希長太息也羅當江汝申息之交諸  
上臺符使朝夕至驛騎疲困殆不可支所乏者  
輶車之使耳蓋官此者視他孔道較逸而民勞  
不啻過之矣且而湍陽博望長潭汝陽四驛每  
歲協濟合二千二百二十金有奇無衝之名而  
有其實安在其爲僻也羅地京陵原隰相半也

原隰肥瘠又相半也幸而有秋則亟糶以辦  
公賦所餘幾何恐不能卒歲余嘗見秋冬之交  
北人糶販步小車驅驢往來如織日去米不下  
數百石邑何堪此擬請於邑大夫禁之長老爲  
余言非此無以完公賦柰之何禁之若非凶年  
饑歲上無蠲租之令而欲閉之糶豈以卹之適  
使坐困耳以故人無墉櫛之積商無絛錦之肆  
歲一不登而流離相屬溝壑繼之矣若但見雨



饒餽餽野饒薪蒸山饒鹿牡水饒鱸藁而遂曰  
此饒也是委巷之見也若所謂刁則益誣矣夫  
刁有二曰衙役曰百姓夫衙役之奉法易繩約  
者莫羅山若也大都充役者不出愚民其黠而  
悍者什百之一二耳稍以三尺繩之破膽矣百  
姓之刁非一而最可恨者無如逋欠今羅山雖  
貧而完糧者每歲知赴之春鞭不待霜秋糧不  
越臘甚有未開徵而遠鄉之民已握粟售市而

謀納矣竊謂昔者繩屬之風恐不是過而羅率以爲常以此思淳淳可知已蘇文忠與畢仲舉書云羅山素號善地於今猶信余願借文忠之言爲吾邑白之

風俗增

政治之得失風俗之醇漓係焉郢俗卽汝南汝南之俗俶見於漢沿習至隋無異變於平陳之後至明彬彬乎稱極盛焉歷代國史所載豈誣哉舊志謂兵荒之後俗漸不古何壞之速也蓋當時憂思危亂剝削凋殘不暇治禮義無足異者今

國家休養百年率上义安山陬海澨共樂唐虞况郢地列天中首蒙教化者乎故不惟歲時遊晏之常

閭巷往來之俗率如舊志所悉而好節儉崇退讓  
忠厚醇謹之風則有烝烝日上者士多廉隅自守  
非公事不見邑宰而細民亦務稼穡早完公賦不  
煩追呼女無遊蕩工無竒技商無壟斷荷歟休哉

蓋

聖化之涵濡厚矣

物產

五穀民所天也先農教民稼穡亦隨地之宜羅山雖名豫原隰相半原隰中肥瘠又相半而秔稻菽來相其地植之皆有蓄餘而秔稻粳米遠勝吳楚丁卯志記劉大司寇云千而有秋則急以以辦公賦所餘幾何恐不能卒歲余嘗見秋冬之交北人糴販步小車驅驢往來如織日去米不下數百石則謀諸長老邑何以堪此擬請于邑大六禁之長

老爲余言非此無以完公賦奈何若非凶年饑歲  
上無蠲租之令而欲閉糴豈以卹之適使坐困耳  
以故人無墉櫛之積商無紉錦之肆歲一不登而  
流離相屬溝壑繼之矣若但見市饒鑄鉅野饒薪  
燕山饒鹿豕木饒魚鱉遂曰饒是委巷之見也其  
飛潛動植大槩與吳楚同三百篇所載雖昆蟲不  
遺今安得遺之

穀類

黍

粟

稻

有早稻白粳  
白芒黑之屬

麥

有大小  
蕎之屬

麻

菽

有黃黑青菘赤白  
鷄蠶瑪瑙之屬

藟

有占糯  
之屬

蔬類

芥

韭

葱

蒜

薑

茄

萊菔

木耳

瓜

有東南西王菜  
甜絲地之屬

瓠

葫蘆

萹苳

菠薐

苽

筒蒿

胡葵

莧

扁豆

豇豆

刀豆

蕪菁

丁香茄

蕨

芋

地耳

珍珠菜

白花菜

果類

桃

李

杏

栗

棗

梅

櫻桃

蓮實

菱芡

蒲萄

榴實

木類



梓

松

栢

檜

楸

椿

槐

桂

桑

柘

榆

楮

柳

桐

梧

棠棣

皂莢

冬青

三春柳

栗

烏柏

櫟其實  
橡

花艸類

牡丹

芍藥

梅

有千葉深紅玉  
疊綠萼臘之屬

桃

有碧緋絳三種

木芙蓉

芙蓉

玉蘭

海棠

有鐵幹垂絲西府三種

秋海棠

山茶

菊

種色甚多不載

繡毬

木香

玉簪

辛夷

安石榴

夾竹桃

鳳仙

薔薇

玫瑰

酴醾

雞冠

紫荊

蛺蝶

珍珠

木槿

蜀葵

十姊妹

寶相

月季

紫薇

鴛鴦

杜鵑

蘭

蕙

萱

吉祿

芭蕉

虎鬚

鳳尾

繡墩

薜荔

金絲荷

菖蒲

茭

蘋

蘩

荇

蒿

蓼

竹

有水竹黃竹紫竹  
壽星竹之屬

藥類

貝母

靈山產土人  
不識其苗

蒼朮

薯蕷

紫蘇

薄荷

百合

紅花

茱萸

荊芥

甘菊

南星

苦參

車前

瓜蒌

紫花地丁

白芨

升麻

芍藥

葛花

山查

五倍子

柴胡

紫艸

茜艸

鹿角

桔梗

金銀花

貨類

綿布

蜜

錫

木炭

麻油

紫

出龍池山

禽類

雁

鴟

雉

鷹

鵠

鴉

鳩

鷓

鴿

翠

鳧

子規

布穀

啄木

鴛鴦

八哥

百舌

鶯

鴨

鷄

獸類

麋

鹿

麀

豺

獾

兔

馬

牛

驢

騾

羊

豕

犬

猫

鱗類

鯉

魴

鯽

鯖

鯽

鱖

鯪

鱖

介類

龜

鼈

鱉

蝦

蚌

古蹟

詩云高山仰止景行行止蓋欽其人也葦爾之羅  
前賢多稅駕焉其人傳而地因人重矣

謝城

西北三十里淮河之南淝河之西北方輿覽  
勝云申伯所封之地有碑斷缺

南羅州

西南一百二十里黃神山唐置

霸王城

西南五十里故老相傳楚懷王嘗項羽伐  
秦過此因築此城故名山谿雨後往往得

銅鑲幾  
十百枚

金牛城

大勝關西

石門

有二小石門在西南八十里又十里為大石門方輿覽勝云二門皆鑿為道以通往來南

通荆楚守隘之地也世傳子路宿于石門卽此地云

間津處

在子路山北申陽何洛文立石坊記之

桀溺坂

在間津處北相傳桀溺舊居于此

鎮西將軍石

西南七十里齊蔡道恭贈鎮西將軍

釣魚臺

西北二十里孟嘉垂釣于此

擣鼓臺

西八里楚子與諸侯淮夷伐鼓會于申故名

大隧

西南一百二十里九里関卽古之黃峴関春秋定公四年蔡侯吳子唐侯伐楚楚司馬



成謀塞大隧直轄冥隄註

漢東三隘道此其一也

隄隄

一作冥隄淮南子曰天下九塞隄隄其一漢書云秦不敢攻隄隄之塞徐廣云即今隄縣

是也今爲平嘉

關屬信陽州

白公勝宅

今城內白勝寺相傳爲楚白公勝別業

隄城

舊址在九里關西南靈山下石基尚存

東園公廟

南一百三十里仙居保相傳謂漢之四皓今祀之

廢高安縣

西南一百里猪塘保有碑存焉

白馬洞

西南一百二十里靈山下有白馬出此忽不見故名

大平寨

南一百二十里有四門礮礮井竈之類

孫家寨

南一百四十里可容千人元末土人避兵處

黑龍池彌陀寺

南一百二十里有詩記俱見藝文志

附龍池八景

葫蘆石聳

龍池山口有石似焉

杉檜參天

在寺前月臺上

飛泉挿筆

仙岩晚照

在寺正東

茶茗聯園

在寺之東南數處

雪浪東潮

在龍池之東水石相激

白沫如雪

象嶺橫烟

在池西

龍潭浮石

以上龍池入壑

鵲山亭

在縣南鵲山下宋曾鞏有詩見藝文志

漢王城

在鵲山西

司馬亭

在縣東南獨山下界屬光山宋司馬光公  
池爲光山今皆憇于此後人爲作亭

九里關

西南一百二十里設巡檢司

大勝關

縣南一百四十里九里關巡司祖駐蹕有御製詩見藝文志

並攝明太

破關

縣南一百二十里華山係按春秋蔡侯與吳子唐侯伐楚還塞大隧

直轅冥阮

所謂大隧卽黃峴關直轅冥阮乃武黃峴名九里關武陽在大寨嶺卽大

勝關

冥阮塞

西南一百二十五里卽淮甬子所

謂九塞之

寺廟

白勝寺

縣西南隅按白公勝楚公子相傳建別業  
舊在城內東街後人因其地創佛宇宣德

三年重修萬歷  
元年易爲縣治

華嚴寺

南十八里

清涼寺

南三十里

青雲寺

南九十里

道泉寺

南六十里

報恩寺

北門外

仙鶴寺

南七十里

東峯寺

南一百里

雲峯寺

南八十里

新興寺

東南曰十里

普照寺

南八十里

福禪寺

東南一百四十里

道觀寺

南一百二十里

龍泉寺

東北十五里

福山寺

西南一百里

天王寺

南二十里

香爐寺

南一百里

橋流寺

南一百三十里

惠光寺

南一百里

張家寺

西北三十里

般若寺

南一百里

九峯寺

東南一百三十里

普濟寺

南一百里

吉祥寺

西南一百里

萬壽寺

南一百里

因緣寺

南一百二十里

黑龍池彌陀寺

南一百二十里

東林寺

西南一百三十里

觀音寺五

一在南一百里黃土坡

一在南一百二十里鷹兒岩

南竹院

一在西南一百里黃神山一在東三十里

牢山聖壽寺

南一百一十里邑人徐有謹見藝文志

散波寺

西三十里開禧三年縣學諭林時發有記見藝文志

白蓮塘寺

西南七十里邑人尚維持有記見藝文志

石壁冲龍泉寺

南一百三十里

墨斗寺

南一百三十里

靈山寺

西南一百里邑人張仲簡記見藝文志

白雲寺

西南九十里

大乘寺

西南一百二十里曾鞏詩見藝文志

佛圖寺

西南一百里

沙溪寺

西北十五里

白衣庵

縣西北隅

梅香寺

西北三十里

彌勒庵

縣東北隅

圓覺寺

東北三十里

淨土庵

西門外二里

城隍廟

縣北街隅

東嶽廟

縣西北隅

玉帝廟

北門外

炎帝廟

南門內

關帝廟

南門內

春秋廟

南一百二十里麻天河古有春秋社遺跡邑人畢竟奇因其地建東嶽廟白衣閣

檀廟

西甕城知縣喬國棟建久廢江南貢生余目昌邑率岳岱等因舊址肩貨首創有碑



壽廟

魯麟

魯濟庵

北門外二里康  
熙二十四年建



寺廟

古者建都立國祖廟而已無外神也自漢文用新垣平之說建五帝廟於渭陽外神廟昉於此亦無所謂泥撚木刻者也迨佛老之教始於漢明盛於晉魏蕃衍於宋之道君而祖師十王三青二郎等塑遍都邑鄉村山林壑間矣以今廟宇論之列三祀者不過十之一二而在彼十居八九焉其爲理果無失而爲說果足憑乎第教卽殊途皆足以

感攝人心使有所慕而爲善有所懼而不爲惡夫  
有爲無爲之說所以曉儒林而非所以覺蚩犢也  
况飲射讀法借此可集冠蓋輻輳有此可憇可以  
作公署可以當家塾可以寄騷人逸士可以棲鰥  
寡孤獨寺廟之裨於斯世者不少矣固不必遡流  
窮源分同異辨有無也

金龍四大王廟

城東南一里康熙三十年商人連  
大盛脩

關帝廟 城內西偏康熙六十年山陝衆商人脩

丘墓

丈夫能自樹立豐功偉烈彪炳天壤當時遠近觀者仰丰采焉事有固然無足異者若夫歿而爲墓延至數世其人與骨皆已朽矣父老傳之史冊載之感慕不忘若此語曰一時表異千載常生其信然哉

費大人墓

縣西北里許世傳漢費禕墓

蔡狀元墓

南山一百五十里名神墩有壙三重壁有石刻後五代時狀元蔡仕明冢至今

子孫  
世守

徐都憲墓

邑西南九十里石門內邑人徐廷章墓有石坊石碑尚文毅公撰文

論曰羅邑之得名也三代之前無可考也左傳稱楚鬬伯比伐羅以形勢度之乃今之羅田非郟邑也但春秋皆旣屬于蔡蔡叔爲成王懿親之封宜屬豫州疆域明矣後雖南併于楚而歷代沿革不一但星宿在天山川在地確乎其不可易也况襟帶汝湘控聯淮雒天中分土運值文明人傑地靈首被三法而兵燹之後人物凋零十不及一是在休思教養培其元氣俾此子遺歌堯天忘帝力後

之視今安知不猶今之視古哉毋謂物產之不繁  
于民生古蹟之無關於聽觀也故作輿地志而系  
以論云